

Tajuk: Ritual Miring dalam Masyarakat Iban Betong

Oleh:

Bibiana Motey Anak Bilon@Senang

Prof. Madya Dr. Noria Tugang

Fakulti Seni Gunaan dan Kreatif

Universiti Malaysia Sarawak (UNIMAS)

94300 Kota Samarahan, Sarawak, Malaysia

Email : babyannamotey2@gmail.com

Pengenalan

Kaum Iban atau turut dikenali sebagai Sea Dayak merupakan kaum yang terbesar di Sarawak. Menurut Sandin (1967), kaum Iban adalah berasal dari Lembah Sungai Kapuas yang kini dikenali sebagai Kalimantan yang berhampiran dengan negeri Sarawak. Namun demikian, disebabkan oleh kedudukan geografi yang berdekatan dengan negeri Sarawak, maka kaum ini melakukan migrasi ke Sarawak kira-kira pada pertengahan abad ke-16. Kumpulan terawal yang datang ke Sarawak berpusat di Lubok Antu, Sri Aman atau dikenali sebagai Simanggang suatu ketika dahulu (Margeret Linggi, 1999). Mereka seterusnya bermigrasi ke tebingan sungai seperti Sungai Batang Lupar dan seterusnya berkembang ke Sungai Sadong, Sungai Rajang dan banyak lagi (Blehant 1997). Masyarakat Iban menjalankan aktiviti harian seperti menanam padi bukit, memburu dan menternak binatang untuk tujuan sara diri. Pada masa yang sama, mereka turut mengisi masa lapang dengan menghasilkan pelbagai jenis hasil anyaman seperti tikar '*bemban*', raga dan sebagainya. Tinjauan yang dilakukan oleh penyelidik mendapati salah satu adat yang masih diamalkan oleh masyarakat Iban di bahagian Betong, Sarawak sehingga kini adalah upacara *Miring*. *Miring* merupakan upacara persembahan atau berdoa kepada Tuhan atau *Petara* bagi memberkati permintaan dan mendapat perlindungan daripada sesuatu ancaman. Tujuan sebenar upacara *Miring* diadakan adalah untuk memberkati penduduk, melindungi, membawa kebahagiaan, kedamaian dan keharmonian dalam masyarakat. Dalam kajian ini, fokus adalah kepada pelaksanaan ritual *miring* di bahagian Betong, Sarawak.

Objektif Penyelidikan

- ❖ Menyelidik perkaitan ritual Miring dalam kehidupan masyarakat Iban di Sarawak.
- ❖ Mengkaji peranan pakar ritual seperti *lemambang* dalam mengurus dan melaksanakan ritual *miring*
- ❖ **Meneliti** cabaran dan kekangan dalam pelaksanaan budaya Miring masyarakat Iban.

Metodologi Penyelidikan

Secara keseluruhannya, penyelidikan ini menggunakan pendekatan kualitatif. Penyelidikan secara kualitatif merupakan satu kaedah sistematik bagi menerangkan, memerhati, memahami, dan menyelidik corak hidup, norma, sosial dan amalan individu dan kumpulan, nilai dan kepercayaan yang wujud. Justeru itu, pendekatan kualitatif bagi menerangkan secara keseluruhan topik yang sedang dikaji oleh penyelidik.